

\c 11

\v 1 Ngga sogo so, Blong Dem no genam lo keng go kalik
motnang genam no se keng!

\s Nuik: Blong-don taling go nogo nebut.

\r 1 Korintus 11:2-16

\p\v 2 Motnang nogo, genam lo ta unen ey gabe pepegat.

Seni so naklay-naklay ba nogo, genam kunala, motnang lo kangok so duduing.

Nggano, genam lo wali tap motnang no nguok go,

waysagi ey motnang lo, suey so mo mlak!

\v 3 No, motnang lo ngge, suey so se senong dali:

Seni so, sedue go wengkabui ngga, Woy Dem.

Kabung go wengkabui ngga, kenin gemang!

Nggano Woy Dem go Wengkabui ngga, Ki Wali Iram.

(Imotnang naklay, imot go wengkabui nogo suali, ta ey se kokong!)

\v 4 Sedue, dewi pu sogo nogo,

nggano, Wali Newet lo taling go wali nebut, ibe no pepen go,

wengkabui topi lo kebet go nogo, ngga piam!

Nemot go wengkabui (Blong Dem) no suongsut so uwayang go gemang.

\v 5 No, kabung-a, ngga kalik go kua! Nando kabung, dewi pu sogo,

nggano, Wali Newet lo taling go wali nebut, ibe nogo pepen go,

nemot wengkabui go betodop (ngga nemot blong-don), suey so se kut!

Nemot ngga suey so kua kut go, nemot lo kenin nogo, suongsut-a gemang uwayang.

Kabung betodop naklay ndok go kalik!

\v 6 Kabung, nemot go wengkabui (go blong-don) kebet genang moy sogo,

betodop-a, tebot so se ndok. Kabung go, betodop tebadali ndok go ngga,

suongsut kangok dega so gemang wayang! Ngga tang so, nemot senong genang:

“At, wengkabui (go blong-don tebadali ya kua ndok, no,) suey so mea semu go kut!

\v 7 Sedue, wengkabui kut genang sogo ya kua!

Sedue lo Ki Wali Iram go tasam-blong gabe tetaling.

No, kabung lo, sedue go blong-a, dia nogo gabe tetaling!

\v 8 Seni so, (takuduen sogo) sedue-a, kabung sik so kua semu.

No, kabung-a, sedue sik so gabe semu-ngam.

\v 9 Nggano, sedue-a, kabung tang sogo so, kua semu dali,

no, kabung-a sedue tang sogo so mo semu-ngam.

\v 10 Ngganemot sogo so, kabung, nemot go waglo blong-don, yay suey so se susuing!

Dia nogo tebadali go kua taling. Seni so, ngga tang so, Wali Tamot

senong genang: “Kabung ngge, blong debui suey go gabe!”

^v11 Nemot-a, seni so gabe! Woy Dem ba nogo,
Kabung seguong-a go maning kua nemot,
nggano sedue seguong-a go, nemot go blong, maning kua nemot dali.

^v12 Seni so, kabung, sedue sik so mo semu-ngam. Ngga kalik dali so,
kabung lo sedue gabe tutui! Ngge naklay, Ki Wali Iram lo semu go.

^v13 No, motnang tang so, ngge naklay se tra: “Kabung, nemotnang lo waglo,
blong-don, dia no tebadali taling go, betodop suey so kua kebet gono,
dewi Ki Wali Iram nogo, ya pu? Ya kua pu?”

^v14 Yang, imot naklay gemang duduing:
“Sedue lo betodop walong so itak go ngga,
nemot nogo, suongsut so wayang go.”

^v15 No, kabung go betodop walong sogo ngga, blong suey dato go gemang!
Kabung no betodop semu go ngga, nemotnang go blong-don so kebet go gabe.

^v16 No, nando lo, way so pu go: “Genamnang demu ngga kalik go nogo
kua kekeng gabe!” Ngga, motnang go ba so! No, atnang ey blong duo yap
temu ey go, demu ngga kalik go gemang kekeng!

^s Nuik: Woy Dem lo taling go wali-ten dam go nogo.

^r 1 Korintus 11:17-34

^p^v17 Tap-tap ngge ba nogo, motnang nogo, genam lo ta unen ya kua pegat gabe.
Seni so, motnang, blong duo-yap tetegu go nogo, suey so kua sesemu,
no, piam-a, gemang lelemoy.

^v18 Yang, banim seni no genam lo tup go, motnang, blong duo yap,
yaluim go nogo, motnang tong-tong so mo lemoy.
Ngganemot, genam lo duing go, seni so gemang mo?

^v19 Yang, suep-suep ngga, se lemoy.
Ngga sik sogo ikum genang: Nando-a, (Woy Dem nogo) don ey go ya susuing?

^v20 No, esang dabui klum! Motnang klay gono yaluim go nogo,
ten dam go, ngga Woy Dem lo taling go ten dam kua.

^v21 Seni so, yaluim go ku nogo,
sedue kabung nemot go-nemot go iti go ten, banom-a ne dedam.
Ngga nogo, temu, nu kua temoy, temu-a bu lo ne puplu.

^v22 Ten ngga kalik go dam genang sogo, motnang go yap kua?
Ki Wali Iram go blung so ku sono kekenok?

Taut kua go sedue kabung nogo suongsut tetaling?
Genam sogo kalik so ya pu? Genam logo, motnang nogo, ta unen ey ya pegat?
Tasam ngga kalik go sogo, genam logo, suot-suot sogo ya kua pen.

ᵛ 23 Esang! Motnang ey tegu go ku no,
Woy Dem tang so genam no banim suey so taling go kalik,
genam lo motnang no mo nguok, nggano tandali mea pen:
“Wadi go, Woy Dem Yesus sedue kabung go ta no iti
genang ku no, loti iti-ngam go,

ᵛ 24 Nggano, taiti suey nemot blo no pu gono, Nemot lo betok go, ngge kalik,
gabe pu-ngam: "Ngge, Genam go saysuk gabe, motnang no iti genang sogo.
Ngganemot, genam nogo dang kong go duduing genang so, se dam-kesategoy!”

ᵛ 25 Ngga kalik dali so, ten yam so dam gono, tegun bu iti go gemang pu-ngam:
“Tugun ngge, tegadi inim, Genam go kin lo dok go, bu gabe!
Anggul bu ngganemot, drop-kesategoy go nogo,
motnang Genam sogo, ngga kalik senang so se duduing!”

ᵛ 26 (Nggano Paulus lo tandali pen go:)
“Motnang lo, (ten-dam so yaluim go nogo,) nggano loti dedam golo, anggul dedrop golo,
Woy Dem (sedue kabung nogo so) kebong go deguo,
senang so se pen-kesategoy, e ... Nemot tandali mea pung-ayon.”

ᵛ 27 Seni so, nando lo, piam ba lo, loti ngga dam go, Woy Dem go tegun bu drop go,
nemot lo Woy Dem go saysuk ey kin ey gono, kon gemang semu.

ᵛ 28 Ngganemot sogo so, sedue kabung klay-klay, nemot tang so,
nemot go saysuk-wali, yatrang se ikum!
Nggano, loti ngga dam go, anggul tegun ngga se drop dali!

ᵛ 29 Nando lo dam go, drop go, no Woy Dem go saysuk so kua duing go,
nemot tang so, nemot go saysuk blo nogo, idekeba gemang ya glung.

ᵛ 30 Ngga kua duing go tang sogoso, motnang mata so don kua,
sadui gemang tra, miam ey mo kebong dali.

ᵛ 31 Imot lo, imot go saysuk yatrang ikum go, kisebui imot nogo mea kua taling.

ᵛ 32 No, nggeasui go, Woy Dem sik so ide keba iti go ngga, imot so ngunguok go
gemang.
Imot kukunan ey, ide keba, iti ey go!

ᵛ 33 Ngganemot sogo so, dem-debu, blong duo yap!
Motnang, ten dam so pluep go nogo, andua temu namboyna se bubung.

Motnang glop kalik so se susuing!

^{v 34} Nando ten kangok so tra go, yap no nase dam.

Ngga no yaluim go nogo, ide keba ya kua lek genang.

Motnang lo usi go meno-meno, genam motnang mit no pung gono,
mea pen dali.